

卷之七

七

七

七

七

七

七

七

七

七

七

七

七

七

七

東都事畧卷第七

本紀七

英宗體乾膺歷隆功盛德憲文肅武睿聖宣孝皇帝濮安懿王第十三子也母曰仙遊縣君任氏以天聖十年正月三日生宣平坊宅仁宗鞠養于宮中景祐三年授左監門衛率府副率四年遷率府率五年遷左千牛衛將軍又遷左領軍衛將軍寶元二年皇子生以慶歷元年十一月壬申出還濮邸特授右千牛衛大將軍皇祐元年遷右衛大將軍岳州團練使仁宗春秋高皇嗣未立至和三年不豫天下共以爲憂大臣文彥博富弼韓琦及范鎮司馬光呂誨等屢以爲言嘉祐六年英宗居濮王憂乃命起復右衛大將軍遷秦州防禦使知大宗正寺固辭不受七年立以爲皇子八年春三月辛未仁宗崩奉遺制卽皇帝位于匱前尊皇后曰皇太后

癸酉大赦天下丙子皇帝不豫己卯詔請皇太后權同處分軍國
事夏四月己酉立皇后高氏皇長子封安國公顥祈國公五月富
弼樞密使秋九月辛亥皇長子封淮陽郡王頊封鄴國公冬十月
甲午葬神文聖武明孝皇帝于永昭陵己酉赦兩京

治平元年春正月改元夏五月戊申皇太后歸政閏月己亥皇長
子封穎王顥封東陽郡王冬十一月籍陝西鄉丁爲義勇軍十二
月吳奎以父憂罷王疇樞密副使

二年春二月癸卯王疇薨三月己巳頒明天歷夏五月癸亥陳升
之樞密副使秋七月癸亥富弼罷庚辰張昇罷文彥博樞密使呂
公弼副使八月庚寅大雨乙未詔曰蓋聞古之聖賢在位陰陽和
風雨時日月光星辰靜黎民阜蕃以底休平朕甚慕之朕猥以眇
身託於王公之上夙夜以思懼不能上承先帝鴻業而比年以來

水潦爲沴乃八月庚寅大雨京師室廬墊傷被溺者衆大田之稼
害于有秋竊迹災變之來曾不虛發豈朕之不敏於德而不明於
政與將天下刑獄滯寃賦徭煩苦民有愁歎亡聊之聲以奸其順
氣與不然何天戒之甚著也今飭躬焦思欲消復大異而未聞在
位者之忠言進祈自新厥路何由焉應中外臣僚並許上實封言
時政闕失及當世之利病可以佐元元者悉心以陳毋有所諱執
政大臣皆朕之股肱協德交修以輔朕之不逮冬十一月壬申合
祭天地于圜丘大赦天下

三年春正月丁丑皇太后手書濮安懿王譙國夫人王氏襄國夫
人韓氏仙遊縣君任氏宜令皇帝稱親卽園立廟詔曰稱親之禮
謹遵慈訓追崇之典豈易克當且欲以塋爲園卽園立廟旣而御
史呂誨等言濮王典禮未正議遂寢三月癸酉上以雨潦詔諸路

轉運使提點刑獄體量刑獄冤滯民間疾苦速行辨理及加賑卹如事稍重卽具聞奏夏四月丙申詔曰夫左道亂法淫祀敗俗與夫賊善良之人皆古之所甚禁而在上者所同疾也自今轉運使常行檢察毋得寬縱庚戌胡宿罷郭逵同僉書樞密院事秋九月壬子朔日有食之夏人寇慶州冬十月丁亥詔今後每三年一開科場郭逵宣撫陝西兼權判渭州甲辰羣臣上尊號曰體乾膺歷文武聖孝皇帝十一月戊午皇帝不豫十二月壬寅立皇長子穎王爲皇太子大赦天下

四年春正月丁巳皇帝崩于福寧殿聖壽三十八殯于殿之西階羣臣上尊諡曰憲文肅武宣孝皇帝廟號英宗秋八月癸酉葬永厚陵元豐六年加上尊諡曰體元膺歷隆功盛德憲文肅武睿聖宣孝皇帝

臣傳曰英宗皇帝之在潛藩也允蹈恭儉力行禮義而天資明叡
物望攸屬仁宗皇帝雅知其賢授以重器在位五載盡循父道雖
以憂勤損壽然甚盛之德固已度越前王憲章後嗣矣宗長子也
母曰宣仁聖烈皇后高氏以慶曆八年四月十日生于濮安懿王
之宮邸祥光照室初授率府副率遷率府率嘉祐五年遷右千牛
衛將軍英宗入繼大統拜安州觀察使封安國公加同中書門下
平章事忠武軍節度使封淮陽郡王治平元年進封潁王四年春
正月丁巳英宗崩奉遺制卽皇帝位于匱前尊皇太后曰太皇太
后皇后曰皇太后戊午大赦天下丙寅吳奎樞密副使戊辰韓琦
以司空兼侍中皇弟顥封昌王頊樂安郡王二月詔曰朕常侍先
帝左右恭聞德音以本朝舊制士大夫之子有尚帝女者輒皆升
東都事畧卷第七終行既久義甚無謂豈可以富貴之故屈人倫

東清書卷第... 如事稍重卽具聞奏夏四月丙申詔曰夫左道亂法淫祀敗俗
夫賊善良之人皆古之所甚禁而在士者所同疾也自今轉運
常行檢察毋得寬縱庚戌朔宿罷郭逵同僉書樞密院事秋九
壬子朔日有食之夏人寇慶州冬十月丁亥詔今後每三年一
科場郭逵宣撫陝西兼權判渭州甲辰羣臣上尊號曰體乾
文武聖孝皇帝十一月戊午皇帝不豫十二月壬寅立皇長子
王爲皇太子大赦天下

四年春正月丁巳皇帝崩于福寧殿聖壽三十八殯于殿之西
以漢儼其壽然其盛之歟固已斐然王憲章必臨矣乃於西葬于
... 宗皇帝... 其寶... 重器... 立... 燻... 文... 官...
... 英宗皇帝... 帝... 辭... 出... 留... 恭... 劍... 以... 下... 甄... 美... 而... 天... 資... 即... 睿...

東都事畧卷第八

本紀八

神宗體元顯道帝德王功英文烈武欽仁聖孝皇帝英宗長子也
母曰宣仁聖烈皇后高氏以慶歷八年四月十日生子濮安懿王
之宮邸祥光照室初授率府副率遷率府率嘉祐五年遷右千牛
衛將軍英宗入繼大統拜安州觀察使封安國公加同中書門下
平章事忠武軍節度使封淮陽郡王治平元年進封潁王四年春
正月丁巳英宗崩奉遺制卽皇帝位于匱前尊皇太后曰太皇太
后皇后曰皇太后戊午大赦天下丙寅吳奎樞密副使戊辰韓琦
以司空兼侍中皇弟顥封昌王頽樂安郡王二月詔曰朕常侍先
帝左右恭聞德音以本朝舊制士大夫之子有尚帝女者輒皆升
行以避舅姑之尊習行旣久義甚無謂豈可以富貴之故屈人倫

長幼之序也自今宜革之三月壬申歐陽修罷癸酉吳奎參知政事閏月庚子詔求直言夏六月辛未詔曰農天下之本也祖宗以來務加惠養比下寬恤之令賜蠲復之恩然而歷年于茲未極富盛間因水旱頗致流離深惟其故始州郡差役仍重勞逸不均喜爲浮冗之名不急之務以奪其時而害其財故也其令逐路轉運司下州縣如官吏有差役利害可以寬減者實封條析以聞秋八月己巳京師地震癸酉葬憲文肅武宣孝皇帝于永厚陵九月辛卯皇弟顥封岐王頽高密郡王辛丑韓琦及吳奎陳升之罷呂公弼樞密使張方平趙抃並參知政事韓絳邵亢樞密副使癸卯郭達罷冬十月己酉張方平以父憂罷癸酉种諤率兵取綏州戊寅詔百官轉對

熙寧元年春正月甲戌朔日有食之改元丙申趙槩罷唐介參知

政事秋七月癸酉詔謀殺已傷案問欲舉自首從謀殺減二等論
已卯陳升之知樞密院事羣臣上尊號曰奉元憲道文武仁孝皇
帝司馬光入直因言上尊號非先王令典願陛下推而不居上用
光言不許遂終身不受尊號甲申京師地震乙酉又震是夕月有
食之辛卯京師地再震八月甲辰京師地震甲子詔封太祖之後
爲王九月辛未封從式安定郡王冬十一月丁亥合祭天地于圜
丘大赦天下十二月庚申造神臂弓辛酉邵亢罷

二年春二月己亥富弼同中書門下平章事庚子王安石參知政
事甲子陳升之王安石同制置三司條例三月乙酉詔曰朕以爲
欲致治於天下者必富之而後可今縣官之費不給而民財大屈
故特詔輔臣置司於內以革其大弊夫事顯於所習則能明乎得
失之原今將權天下之財而資之於有司能習知其事者焉則其

所得必精所言必通聚而求足固足以成吾富民之術若夫苛刻之論務欲腴削於下而斂怨於上者斯亦朕之不取宜令三司判官諸路監司及內外官限受詔後兩月各具財用利害聞奏夏四月甲辰詔曰方夏大旱麥將槁朕惟災變之來蓋不虛發豈朕政令未孚聽納靡中以致厥咎與其罷同天節上壽公卿大夫其勉修厥職以圖修復丁未唐介薨丙辰詔曰近臣盡規以其榮恥與上同也今此在位者視朕過失與朝廷政事之闕默而不言乃或私議竊歎若以其責不在已夫豈皆習見成俗以爲當然其以有含章懷寶待倡而發者也今百度隋弛風俗偷惰薄蝕災異譴告不一此誠忠賢助朕憂惕以創制改法救弊除患之時宜令侍從官自今視朕過失與朝廷政事之闕無有巨細各具章極言無隱噫言善而不用朕有厥咎道之而不言爾爲不恭朕將用此

攷察在位所以事君之實而明黜陟焉丁巳遣使八人相度農田水利稅賦科率徭役利害五月壬辰太皇太后遷居慶壽宮冬十月丙申富弼罷陳升之同中書門下平章事十一月韓絳同制置三司條例甲戌詔裁宗室授官法唯宣祖太祖太宗之子擇其後一人爲公世世不絕其餘元孫之子將軍以下聽出外官袒免之子更不賜名授官許令應舉初呂夷簡在仁宗時改宗室補環衛官驟增廩給其後費大而不可止至韓琦爲相嘗議更之而不果上卽位遂行之閏月壬子置諸路提舉常平廣惠倉行青苗法應郡縣每歲春秋未熟據民等第以常平及廣惠倉錢斂散取息三年春正月詔諸路常平廣惠倉給散青苗錢本以惠卹貧乏並取民情願今慮官吏不體此意追呼均配抑勒翻成騷擾其令諸路提點刑獄官體量覺察違者立以名聞敢沮抑願請者按罰亦

如之二月壬申司馬光樞密副使光辭三月己亥廷試進士始用
策夏四月己卯趙抃罷韓絳參知政事五月罷條例司王子罷入
閣戊午新作來遠驛六月丁丑宗室承亮等襲封秋七月壬辰呂
公弼罷馮京樞密副使九月夏人寇慶州乙未韓絳宣撫陝西庚
子曾公亮罷辛丑馮京參知政事吳充樞密副使冬十月夏人寇
環慶戊寅陳升之以母憂罷十一月韓絳爲陝西河東宣撫使十
二月乙丑行保甲法于諸路丁卯韓絳王安石並同中書門下平
章事王珪參知政事

四年春二月丁巳朔罷貢舉詞賦科以經術取士壬申皇弟頽封
嘉王夏人犯延州慶州軍亂三月丁未韓絳罷夏五月己亥月有
食之司農寺以免役法頒天下秋九月辛卯大享明堂大赦天下
夏國主秉常請綏州冬十一月丙申月有食之增廣太學置三舍

五年春二月丙寅蔡挺樞密副使三月丙午京師置市易務夏六月乙亥置武學冬十月王韶收復鎮洮軍十二月壬午陳升之樞密使

六年春正月辛亥詔奉僖祖神主爲太廟始祖二月丙申克河州遂復洮岷疊宕等州夏四月甲戌朔日有食之己亥文彥博罷冬十月章惇開梅山十二月癸未詔在京納免行錢旱七年春正月乙卯皇子俊封永國公二月甲申吐蕃青宜結鬼章圍河州景思立與戰于踏白城死之三月丙午王韶軍寧河解河州圍己酉木征降丙辰遼主遣蕭禧來言薊應朔三州地界命韓縝報聘又命劉忱蕭士元呂大忠同商量地界于代州乙丑詔曰朕涉道日淺晦于致治政失厥中以干陰陽之和乃冬迄春旱曠爲虐四海之內被災者廣聞詔有司損常膳避正殿冀以塞責消

東坡志林卷八
四
變歷曰滋久未蒙休應嗷嗷下民大命近止中夜以興震惕靡寧
永惟其咎未知攸出意者朕之聽納不得於理與獄訟非其情與
賦斂失其節與忠謀讜言鬱於上聞而阿諛壅蔽以成其私者衆
與何嘉氣之久不效也應中外文武臣僚並許實封直言朝政闕
失朕將親覽攷求其當以輔政理三事大夫其務悉心交倣成朕
志焉夏四月己巳上以久旱見輔臣嗟嘆懇惻王安石曰水旱常
數堯湯所不免陛下卽位以來累年豐稔今旱暵雖遠但當修益
人事以應天災耳上曰朕所以恐懼如此者正爲人事有所未修
也辛未頒方田制度丙戌王安石罷韓絳同中書門下平章事呂
惠卿參知政事己丑詔曰朕嘉先王之法澤於當時而傳於後世
可謂盛矣故夙興夜寐八年于茲度時之宜造爲法令布之四方
皆稽合先王參攷羣策而斷自朕志已行之效固已可見士大夫

其務奉承之以稱朕意遼主遣蕭索梁穎來辛亥罷制科秋九月
蔡挺請置三十七將河北十七府界七京東十京西三冬十月已
未合祭天地于圜丘大赦天下王韶樞密副使

八年春正月庚子蔡挺馮京罷二月丙寅皇子侗封景國公癸酉
王安石同中書門下平章事三月庚子遼主再遣蕭禧來命韓縝
乘驛會議癸丑命沈括使于遼夏四月戊寅吳充樞密使庚寅廢
沙苑監閏月己未陳升之罷壬子宗室世居反伏誅秋八月庚戌
韓絳罷冬十月庚戌呂惠卿罷丁酉彗出軫己亥詔求直言壬寅
大赦天下十二月壬寅元絳參知政事曾孝寬僉書樞密院事乙
巳皇子侗薨交趾陷欽廉白三州辛亥命趙卨李憲討之尋罷憲
以郭逵爲宣撫使而卨副之

九年春正月庚辰交趾陷邕州守臣蘇臧死之秋八月壬辰詔司

農寺罷鬻天下祠廟冬十月丙午王安石罷吳充王珪並同中書門下平章事馮京知樞密院事十二月甲午遣內侍李憲措置邊事

十年春二月己亥王韶罷丙午交趾李乾德納款夏五月廖恩叛于南劍州秋七月己亥廖恩降冬十月癸巳詔濮安懿王諸子襲封濮國王奉祠事後承襲遍卽傳長孫庚子皇子俊薨十一月甲戌合祭天地于圜丘大赦天下十二月壬午詔改元丁亥皇第六子封均國公价建國公

元豐元年春正月庚申月有食之閏月壬辰孫固同知樞密院事己亥曾孝寬以父憂罷秋九月乙酉呂公著薛向並同知樞密院事冬十月丁未重修都城畢工興役凡三年十二月壬子皇子价薨置大理獄